

ԱՌՈՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԸ ԵՎ ԶԵՅԹՈՒՆԻ
ԲՆԱԿՉՈՒԹՅԱՆ ՏԵՂԱՀԱՆՈՒԹՅՈՒՆԸ

1908 թ. Թուրքիայում երիտասարդ թուրքերը իշխանության գլուխ անցան։
Եվրոպական թերթերը գովում էին երիտասարդ թուրքերի շափավորու-
թյունը հեղափոխության ժամանակ, Արևմտքի ուսակցիոն կառավարություն-
ները կեղծավորությամբ էին մոտենում այդ հեղափոխությանը։

Վ. Բ. Լենինը նշում է, որ եվրոպական պետությունները «երիտասարդ
թուրքերին գովում են շափավորության և զսպվածության համար, այսինքն՝
գովում են թուրքական հեղափոխությանն այն բանի համար, որ նա թույլ է,
նրա համար, որ նա չի արթնացնում ժողովրդի ստորին խավերը, չի հարուցում
մասսաների իսկական ինքնուրույնություն, նրա համար, որ այդ հեղափոխու-
թյունը թշնամի է Օսմանյան կայսրության մեջ սկսվող պրոլետարական պալ-
քարին, — և միաժամանակ շարունակում են առաջվա նման կողոպտել
Թուրքիան»։

Հեղափոխությունից շատ ժամանակ չէր անցել, երբ Կիլիկիայում սկսվեց
կեղանայի հայերի կոտորածը։ Օսմանյան կայսրության տերիտորիայի բնա-
կիչների կյանքի և ունեցվածքի ապահովության մասին երիտասարդ թուրքերի
խոստումները հօդս ցնդեցին և Ադանայի ու նրա շրջակա գյուղերի հողերը ներկ-
վեցին անմեղ երեխաների, կանանց ու ծերերի արյունով։

Բնական է, որ նման պայմաններում երկրում սկսված ողբերգությունը
կարճ ժամանակից հետո պետք է փոխվեր խոր հիասթափության և այդպես էլ
կոպի։

XIX դարի վերջերին և XX դարի սկզբներին Կիլիկիայի հայությունը խոր
հիասթափություն ապրեց։ Կոտորածների և անլուր տանջանքների հետ միասին
աղքատությունը թափանցեց ամենուրեք։ Թուրքական պաշտոնյաների հարստա-
հարությունները Կիլիկիայում և Զեյթունում ժողովրդին հասցրել էին ծայր աղ-
քատություն։

1895—1896 թթ. դեպքերից հետո, մինչև իմպերիալիստական առաջին պա-
տերազմի սկիզբը, լեռնական ղեյթունցիները թուրքական իշխանությունների
դեմ առանձին պիսված ելույթներ չունեցան։ Մինչև պատերազմը սկսվելը Զեյ-
թունի բնակչությունը չէր բարելավել իր տնտեսական դրությունը։ Ընդհակա-
ռակը, 1895—1896 թթ. ահռելի պատերազմը աղքատության պիսկն էր նետել
զավառակի ողջ բնակչությանը։ 1911 թ. Կոստանդնուպոլսի այրիախնամ
հանձնաժողովի կազմած տվյալներից երևում է, որ պյուղաքաղաքի բնակիչները,
բացառությամբ վերնախավի, ապրել են աղքատ։ Այդ ժամանակ Զեյթուն այցե-
լողներից մեկը գրում է. «Այցելած բոլոր վայրերում մեջ ոչ մեկ տեղ աղքատու-
թյունն այնքան շեշտված, ապրուստի միջոցներն այնքան նեղ ու այնքան դժըն-

դակ գտա՝ որքան Զեյթունի մեջ: Հոս 5—6 հոգի եւ րազկացած բնտանիք մոտապահեցնելու համար միակ ջորի մը ունեցողը աղքատ չի նկատուիր, և այդ ջորեւանը, հացի դրամ մը չհսկելու համար ստիպւած է ամառ ձմեռ, օրը 10—12 ժամվան ճամբա քալել ջորիին ետեւէն: Զեյթունի ապրուստի գլխավոր միջոցը այգեգործութիւնն է: Տարեկան 4.500 ոսկիի մոտ չամիչ և ուսի կարտածւի, վերէն մինչև Լեդիզէ և վարեն մինչև Զուգուր-օվա և Տեորթ 3 ու Երկրորդ կարգի վրա կուգա վարունգի կուտը, տարեկան 1.000 ոսկիի մոտ, որը վեյթունցիները (Զեյթունէն և շրջակա գյուղերէն արտածելով) կը տանին ծախել մինչև Երուսաղէմ²:

Այս վկայութիւնից և վերոհիշյալ հանձնաժողովի զեկուցումից երևում է, որ լեռնական այս գյուղաքաղաքում XIX դարի վերջին և XX դարի սկզբին լուրջ փոփոխութիւններ էին տեղի ունեցել: Բնակչութեան մեծ մասը առաջվա պէս զբաղւում էր գյուղատնտեսութեամբ (անասնապահութիւն և երկրագործութիւն) և արհեստագործութեամբ, որոշ մասը դանադան պեռական և ազգային պաշտոններ էր վարում: Ընդհանուր առմամբ մեծ էր պատահական եկամուտներով ապրող բնակիչների թիւը: Զեյթունից չքացել էր երկաթի և փայտի արդյունահանութիւնը, որը նախկինում զգալի օգուտ էր բերում բնակիչներին: Մտեղծւած ծանր դրութիւնը լեռնականներին ստիպում էր իրենց գոյութիւնը մի կերպ պահպանելու համար թողնել հայրենի գյուղաքաղաքը և գնալ ուրիշ տեղ աշխատելու: Սա կիսապանդխտութեան նման մի բան էր, որը բոլորովին չի նկատուի Զեյթունում XIX դարի ամբողջ ընթացքում: Այդ հանձնաժողովի զեկուցման մեջ կարդում ենք. «Ամենէն աղքատ, ամենէն խղճալի մասն է գործավոր դասակարգը, որ հաճախ ստիպւած է մինչև Լեռնայի կողմերը երթալ շոր հացի մը ետեւ: Եթէ կարելի ըլլար ունէ ձեռարկեստ մտցնել Զեյթուն, ամենէն մեծ բարիքը պիտի ըլլար ատիկա տեղւոյն հայութեան համար: Նախապէս բաւական ալ ատաղձի արտածում կա եղեր, բայց, անտառները հետզհետեւ պակասելով հեռանալով, հիմա դադարած է³»:

Եղած տվյալներից պարզւում է, որ բերք չիինելու պատճառով 1907—1908 թթ. Զեյթունի բնակչութիւնը փաստորէն կանգնած է եղել սովի առաջ: Զեյթունի 4.000 տուն հայերից 3.000-ը սովամահ լինելու վտանգի տակ են եղել⁴:

Այդ ժամանակ սովն ընդգրկել էր Մուշի, Մասունի, Վանի, Տիւրիկի, Հաճրնի, Ալրիսթանի, Զմշկածագի, Խնուսի, Զեյթունի, Ակնի գյուղերը: Սովյալներին օգնելու նպատակով արքայիցի վերադարձած Իլմիրյան Մատթեոս պատրիարքը մի կողմով դիմեց ամբողջ հայութեանը: Նրա նամակներից մեկում կարդում ենք. «...անոթութեան մեռնողներու անուններ կը հաղորդվին մեզ, հուսահատութեան իրենց կյանքը կարճելու փորձողներ կը գտնվին: Տուն տեղ լքելով փախչողներ կան. խոտի արմատներ սնունդի տեղ կը գործածվին և այս ձմեռն խստաշունչ եղանակին ղեռատի աղջիկներ և մանկամարդ կիներ, աղածրի մանկտիք իրենց գիրկը՝ և հազիւ ծածկելով իրենց մերկութիւնը, կը թափառին լեռ ու ձոր, հաց գտնելու համար»⁵:

2 Գ. Գալուստյան, Սարաչ կամ Գերմանիկ և Էրոս Զեյթուն, էջ 92:

3 Նույն տեղում, էջ 92—93:

4 «Մշակ», 1908, 16 նոյեմբերի, № 255:

5 Նույն տեղում, 18 դեկտեմբերի, № 279:

Համարյա նույնանման վիճակ է եղել նաև Զեյթունում: «Զեյթուն հաց կը խնդրե ապրիլ» վերնագրով իր հոդվածում Կիլիկիայի Սահակ կաթողիկոսը գրում է, որ Զեյթունի բնակիչները, որոնք աղարկի ի վեր կապրին պատառ մը հացով և իր ձեռատունկ աչդիններուն բերքով, այսօր ոչ հաց ունի, ոչ շամիչ»⁶:

Այդ կոչերից հետո սովի ճիրաններում գտնվող մարդկանց համար հայ գաղթօջախներում սկսվեց հանգանակություն:

1910 թ. Զեյթունում տեղի է ունենում մի փոքրիկ միջադեպ: Մեկ տասնակից ավելի լեռնականներ, որոնք բանակից խուսափել էին, այնք է ներկայանալիս Մարաշի զինվորական ատյանին: Բայց նրանք որոշեցին շերկայանալ և հեռացան Տավրոսի բարձունքները: Նրանց միացան նաև շրջակա գյուղերից փախած ուրիշ երիտասարդներ: Մեկ օր, երբ այս խումբն իջնում էր Զեյթուն, հանկարծակի հանդիպեց թուրքական ոստիկանությանը. սկսվեց հրաձգություն, որից հետո խումբը վերստին հեռացավ լեռները:

Այս դեպքից հետո Զեյթունում սկսվում է նախապատրաստվել մի նոր պոռթկում: Իմանալով այդ մասին, կառավարությունն ազատ է արձակում այդ կապակցությամբ բռնի կերպով Մարաշ տարված վարդապետ Վաղարշակ Արշակունուն և փոխում է Զեյթունի կայմակամին: Զեյթուն ժամանած Հալիպի կուսակալին լեռնականները ներկայացնում են մի խնդրագիր հետևյալ բովանդակությամբ:

1. Թերթր կոչված հոսյան-նալի վայրը, որը գտնվում է Զեյթունից 6 ժամվա հեռավորության վրա, տրամադրել զեյթունցիներին, որպեսզի գյուղաբաղարում հղած խիտ բնակչությունից 300—400 տնտեսություն փոխադրվեն այնտեղ, որով հնարավոր կլինի մի փոքր թեթևացնել բաղարում մնացածների տնտեսական դրությունը:

2. Ներում շնորհել Մարաշում գտնվող բանտարկյալ և փախստական զեյթունցիներին:

3. Թույլ տալ, որպեսզի այդ տարվա տուրքերի մի մասը մյուս տարի վճարվի:

4. Զեյթունցիներին տրամադրել 1000 ոսկի փոխառություն մեկ տարի ժամանակով:

Կուսակալը խոստացավ կատարել լեռնականների խնդիրը և գյուղաբաղարում մեկընդմիջ՝ վերացնել զորանոցը:

Սակայն հավանական է նրա այդ խոստումը կամ հանդիպեց կառավարության դիմադրությանը և կամ էլ սուտ խոստում էր: Զորանոցն այդպես էլ մնաց:

Նշենք, որ այդ ժամանակաշրջանում նոր կառավարությունը զգալի չափով պակասեցրել էր Զեյթունի զորանոցում հղած զորքի քանակը: Սակայն սա սրարգասկա լեռնականների աչքերին թույլ փչել էր. իրականում կառավարությունը տանում էր նրանց հկատմամբ այլ բաղաբանություն: Երիտասարդ թուրքերի կողմից նշանակված պաշտոնյաները շրջակա մահմեդական բնակչությանը դրդում էին լեռնականների դեմ: Զորանոցի զորքերի թվի պակասեցնելու և թնդանոթները հրապարակից հանելու մասին «Մշակ»-ի Մերսինի թղթակիցը 1911 թ. գրում էր. «Նրկար տարիներն ի վեր կառավարությունը

⁶ Նույն տեղում, 12 նոյեմբերի, № 251:

⁷ «Մշակ», 1910, 1 հունիսի, № 116:

մեծ թնդանոթներ կը պահէր Զեյթուն, 95-ի ղեկքերուն, ատոնք նույնիսկ հայերուն ձեռքն անցան ղրորանոցին 500 անձնատուր զինվորներուն և զենքերուն հետ, որ նույնիսկ զործածեցին զանոնք էղհեմ փաշայի զորաց ղեմ:

Այժմ, որ՝ նոր կարգերու բերմամբ՝ լոկ բռնավոր ուժիմեն բխած՝ ընդդիմություններն անհետացած են, կառավարութիւնը ոչ միայն պակասեցուց տեղվույն զորքը—100 չափ միայն կա այժմ— այլև ուզեց վերցնել թնդանոթները: Բայց, որովհետև անոնց փոխադրութիւնը շատ դժուար էր, սովորան Համիդի մը համառութիւնը միայն կրցած էր զանոնք Զեյթունի լեռներն ի վեր հասցնել տալ, այդ փոքր հայաքաղաքը կործանելու համար կառավարութիւնը դրամ տալով զեյթունցիոց՝ կտրել տվալ զանոնք:

Կառավարության այս գովելի արարքը, սակայն, սրտարեկութիւն պատճառող պարագա մը դարձաւ շրջակա մահմեդականներուն համար:

Զուր կասկած և անմիտ մտահոգութիւն»⁸:

1911 թ. վերջերից սկսած Կիլիկիայի մի շարք վայրերում և Զեյթունում բանակից խուսափողների թիվն ավելի է ստվարանում: Կառավարական պաշտոնյաներն իրենց զինված ուժերի միջոցով սկսում են հետապնդել փախստականներին, սակայն ապարդյուն, քանի որ ժողովուրդն ամեն կերպ պաշտպանում էր նրանց. «Կառավարության զինվորները,— գրում է «Մշակ»-ը,— այժմ Զեյթուն, Բեորթ-Յոլ, Սուեդիա և այլն և այլն հայ քաշախներ կը փնտրեն: Շատ տեղեր ալ գացած փախստականին տան մեջ տեղավորված են, կուտեն, կուտեցնեն և կը նախատեն տնեցիք... զի, վերջապես, իրենց տղան, որ զինվոր էր, փախած է: Հարցնողն ո՞վ, փնտրողն ո՞վ»⁹:

Թուրքական իշխանութիւնները 1912 թ. վերջերից և 1913 թ. սկզբներից սկսեցին ավելացնել զորքերի քանակը Կիլիկիայում. «Կապանցի թուրք ավազակապետի մը զեկուցման վրա, կառավարութիւնը փոխանակ զինքը ձերբակալելու՝ ահագին զորքեր է ղրկած Կապան, Անդրուն, Զեյթուն և ուրիշ տեղեր...»¹⁰:

Այդ զորքերի կուտակումները կառավարութիւնը կատարում էր լեռնական փախստականներին զսպելու համար: Սկսած 1912 թ. վերջերից և 1913 թ. սկզբներից Կիլիկիայում էլ ավելի սրվեցին մահմեդականների ու հայերի միջև եղած թշնամակսն հարաբերութիւնները: Աղանայի կոտորածի ամպերը կամաց-կամաց իրենց սև ու մուսլու կերպարանքով նորից կախվեցին Կիլիկիայի հայութեան գլխին: Հաճախակի էին դառնում հայ կանանց և աղջիկների առևւնդումը:

Թուրքական իշխանութիւնները չէին կանխում վերը նշված ղեկքերը, ընդհակառակը, իրենք էին ստեղծում նոր միջադեպեր զրոյթիւնն էլ ավելի լարելու նպատակով: Այդ քաղաքականութիւնն ավելի էր գրգռում հայ և մահմեդական բնակչութեան իրար դեմ և ուժեղացնում ատելութիւնը միմյանց նկատմամբ: Պետք է նշել նաև, որ կառավարութիւնը, տեսնելով, որ Զեյթունի և Հաճընի մի խումբ հայեր հրաժարվելով զինվորագրութիւնից պատսպարվում են լեռներում, սկսեց այնտեղ զորք կուտակել:

8 «Մշակ», 1911, 22 ապրիլի, № 82:

9 «Մշակ», 1912, 22 հունվարի, № 14:

10 «Մշակ», 1913, 6 մարտի, № 49:

«Լուր կա, — գրում է «Մշակ»-ը, — թե օրերս Ազանային բանի մը զումարտակ զորք և լեռնային թնդանոթները ղրկած են Մարաշի կողմերը, հավանաբար Զեյթուն և Ուլնիո շրջակայքը:

...Ուլնիո դավառին դանազան կետերու վրա, ինչպես և Զեյթուն, արդեն ատենն մը ի վեր զինվորներ հավաքված են, առանց այն ալ դժվարին հաղորդակցությունը անհնար դարձնելով»¹¹:

Լրիվ կեղծում են թուրք ջարդարար-ցեղասպանները, երբ պնդում են, թե իրենք հայերի աղահանության մասին սկսել են մտածել պատերազմն սկսվելուց հետո, թե նախկինում ալ զպիսի մտադրություն չեն ունեցել: Դեռևս 1913 թ. մայիսին Կոստանդնուպոլսի պատրիարք Արշարունի եպիսկոպոսը մի թագրիք է ուղարկում մեծ վեպիր Մահմուդ Շելվեթի փաշային, ուր նրան տեղեկացնում է, որ Արևելյան Առատուրիայի և Կիլիկիայի հայությունը կանգնած է կոտորածների վտանգի առջև: Այդ թագրիքի մեջ կարգում ենք. «Վերոհիշյալ տեղեկություններից երևում է նույնպես, որ դժբախտ հայ ժողովուրդը, սպառնացված, մի կողմից, ջնջվելու և, մյուս կողմից ենթակա, պաշտոնյաների բռնապետական, անտանկի ճնշման, ընկել են աննկարագրելի ահաբեկման մեջ: Ծրկրագործները չեն համարձակվում զուրս գալ զյուզերից զնալու իրենց դաշտերը հերկելու. ժողովրդի մյուս դասակարգերը նույնպես չեն կարողանում զբաղվել իրենց գործերով: Բացի դրանից, հայերի մի մասը փրկության ուրիշ ելք չգտնելով, բան զաղթականությունը, խմբերով, ինչպես հին ուժիմի օրով էր, ձևեր են առնում պանդխտության ցուպը»¹²:

Թագրիքի վերջում հուսահատված պատրիարքը գրում է. «Այս դրությունը ցույց է տալիս, որ հայերն այլևս իրավունք չունեն ապրելու Օսմանյան կայսրության մեջ»:

Որովհետև իրերի այս դրությունը պետք է հետևանք ունենա հալ տարրի չնջումը վերոհիշյալ երկրներում, և կառավարության բազմապատիկ հավաստիացումներն այն մասին, թե միջոցներ են ձևեր առնված երաշխավորելու մեր ազգակիցների պատիվը, կյանքը և զույքը, դեռ ոչ մի արդյունք չունեցան և այլևս ոչ մի բան չէ մնում ավելացնելու այն աղերսներին, զանդատներին և բողոքներին, որ ես լսեցնել տվի մինչև այսօր, ուստի ինձ մնում է միայն կոչ անել, հայ ժողովրդի վիճակի համար, ժողովրդի, որ բնակությունից արտաքսված է օսմանյան պետության և ժողովրդի խղճմտանքին և պատասխանատվության և քաղաքակիրթ աշխարհի գթության»¹³:

Ինչպես ճիշտ կերպով նկատել էր պատրիարքը, դեռ շատ վաղուց երիտասարդ թուրքերի կառավարության կողմից տարվում էր հայերի ոչնչացման քաղաքականություն, որը ավելի ուժեղացավ պատերազմի նախօրյակին և կիրառվեց նրա ժամանակ:

1913 թ., ինչպես արդեն ասվեց, թուրքական կառավարությունն սկսեց զորքեր կուտակել Կիլիկիայում և Զեյթունում: Այդ բանը նկատում է Հալեպի ռուսական հյուպատոս Վլադիմիր Զիմերմանը, որն անմիջապես պահանջում է Հալեպի կուսակալից՝ հարցնելով նրան. «Օսմանյան կառավարությունը պա-

¹¹ Նույն տեղում, 10 մարտի, N 53:

¹² Նույն տեղում, 4 հունիսի, N 120:

¹³ Նույն տեղում:

տերադմի մեջ է Զեյթունի հայության հետ, թե՛ անոնք ապստամբած են կառավարության դեմ, որ դորք և թնդանոթ կը ղրկեն անոնց վրա:

Մենք հիմա ստիպված ենք մեր Կ. Պոլսո ղեսպաններուն հաղորդել թուրք կառավարության այս սխալ ընթացքը, թե խաղաղ և իր պործերով զբաղված ժողովրդի մը վրա զինվորական առաքումներ տեղի կունենան»¹⁴:

Ռուսական հյուպատոսի այս կտրուկ պահանջներից հետո Հալեպի թուրքական իշխանություններն ստիպված եղան ավելի զգույշ լինել լեռնականների նկատմամբ. այլապես հնարավոր էր, որ հենց այդ ժամանակ նրանք պրովոկացիոն նպատակով մի միջադեպ սարքեին Զեյթունում: Եվ դա պետք է տեղի ունենար մի այնպիսի ժամանակ, երբ Տավրոսի լեռներում գտնվող գյուղաքաղաքում ոչ ոք չէր մտածում հարձակվել թուրքական բանակի վրա:

1914 թ. օգոստոսին սկսվեց առաջին իմպերիալիստական սպանդը, որին ամիսներ անց մասնակցեց թուրքիան: Սանձաղերծված պատերազմի հետևանքով Արևմտյան Հայաստանի և Կիլիկիայի հայության գլխին կուտակվեցին փոթորկաբեր ամպեր: Թուրքական կառավարությունը անմիջապես սկսեց զինվորագրությունը, որին ենթակա էին 21-ից մինչև 45 տարեկան բոլոր տղամարդիկ: Այս իրադարձությունը առավել տհաճ էր լեռնականների համար, որովհետև նրանք գիտեին, որ զինվորադրվելով թուրքական բանակին, պետք է կռվեին Ռուսաստանի դեմ: Լեռնականները գտնում էին, որ ռամեն ինքնաճանաչ հայ պիտի նախընտրեն մեռնել, քան կռվել ի նպաստ թուրքիո»¹⁵:

Պետք է նկատի ունենալ մի հանգամանք ևս. թուրքական բանակում հրամանատարներն ու զինվորները հենց սկզբից բիրտ վերաբերմունք էին ցույց տալիս հայերի և այլազգիների հանդեպ: Ստեղծված անտանելի պայմաններին չդիմանալով, քրիստոնյաների մի մասը փախավ բանակից և թաքնվեց իրենց գյուղերում, ոմանք էլ թողեցին թուրքիան և հեռացան օտար երկրներ:

Նման պայմաններում կառավարությունը սկսեց կազմել զինվորագրվելու հասակ ունեցող զեյթունցիների ցուցակը, բայց սկզբնական շրջանում ձեռնպահ մնաց նրանցից որևէ մեկին զինվորական ծառայության կանչելուց: Չնայած դրան, գյուղաքաղաքի մի քանի տասնյակ բնակիչներ չզինվորագրվեցին և, խուսափելով թուրքական բանակում ծառայելուց, թողեցին Զեյթունը ու հեռացան լեռները:

Պատերազմն սկսվելուց հետո Զեյթունի պորանոցը դարձել էր մի հավաքական, որտեղ զինվորադրվում էին ոչ միայն Զեյթունի, այլև շրջակա ուրիշ զավառակների զինապարաները՝ անկախ ազգային պատկանելությունից: 1914 թ. աշնանը լեռներում ապաստանած զեյթունցիները, կենսամթերք ձեռք բերելու նպատակով, հարձակվեցին 60 հոգուց բաղկացած անտերունցի թուրքերի մի խմբի վրա, որը մեկնում էր Անեձոր զինվորադրվելու: Այս մասին հեռագրով հայտնվեց կենտրոնական կառավարությանը: Ըստ ականատեսներից մեկի վկայության, Զեյթունի զավառակին մոտիկ ապրող թուրքերը ասում էին. «Մեր Մոսկոֆը մեր քով կա»¹⁶: Այսինքն՝ նրանք հասկացրել էին կառավարությանը, որ միայն Ռուսաստանը չէ թուրքիայի թշնամին, Կիլիկիայում եղած

¹⁴ «Մշակ», 1914, 20 փետրվարի, № 37:

¹⁵ Մատենադարան, այլ և այլ հեղինակների արխիվ. թղթ. 240ա, վավ. 75, էջ 7:

¹⁶ Նույն տեղում, էջ 15:

Զեյթունը ուսումական քաղաքականությունն է պաշտպանում և անհրաժեշտ է գոնե այս անգամ վերջ դնել նրա գոյությունը:

1914 թ. աշնանը լեռնականներին լրիվ զինվորադրելու նպատակով Մարաշից Զեյթուն մեկնեց Հայդար փաշան: Հսելով նրա գալստյան մասին, Զեյթունի ավազանին ժողով գումարեց, որտեղ որոշվեց փաշային դիմավորել ինչպես հարկն է և ասպտամբություն չբարձրացնել: Սակայն ժողովի մասնակիցներից մի քանիսը, ընդհակառակը, պահանջեցին շրջափոխել փաշային և առաջարկեցին դիմադրել: Ժողովի կողմից այս առաջարկը մերժվեց:

Ժամանելով Զեյթուն, փաշան քաղաքի 4 թաղերի բնակիչներից պահանջում է ներկայացնել այն փախստականներին, ովքեր թափանք են Անտեռունի դորակոչիկներին: Միաժամանակ Հայդար փաշային հաջողվում է Կ. Պոլսի իշխանությունների միջոցով ազդել Կիլիկիայի կաթողիկոսի վրա, որպեսզի վերջինս պաշտոնանկ անի Զեյթունի հոգևոր առաջնորդին: Փախստականների բնությանը չկատարեցին փաշայի կամքը: Կատաղած փաշան կարգադրեց հավաքակի զինվորական բոլոր ծախսերը դնել քաղաքի բնակչության վրա: Նա հայտարարեց, որ այդ կարգադրությունը կվերացնի միայն այն ղեկավար, երբ կհանձնվեն փախստականները: Այս միջոցառումով նա ձգտում էր դժգոհություն առաջացնել նրանց մոտ. ում բնությանը չէին փախստականներ չկային, և դրանով ժողովրդին մասերի բաժանելով՝ իրար հակադրել:

Զեյթունի վերնախավը կարծում էր, որ եթե փախստականները հանձնվեն, փաշան կհեռանա գյուղաքաղաքից: Նրանք սկսում են համոզել լեռներում ծովափրածներին՝ վայր դնել զենքը և հանձնվել: Զեյթունի այդ ժամանակվա քաղաքապետ Նադարեթ Զաուշը (Նորաշխարհյանը) անմիջապես իր եղբոր տղային փոխում և հանձնում է կառավարությանը: Այս ղեկից հետո փախստական ղեկավարները, բացառությամբ երկու հոգու, մի քանի օրվա ընթացքում իջնում են և հանձնվում թուրքական իշխանություններին: Մնացածները Գարեկեար թաղից էին: Փաշան կարգադրում է ամբողջ զինվորական ծախսերը վերցնել Զեյթունից և դնել այդ թաղի բնակչության վրա: Այս փաշայի հրամանի, այդ թաղի պետք է կերակրեր զինվորներին և հոգար նրանց պետքերը: Մնացած երիտասարդները, տեսնելով, որ իրենց պատճառով տուժում են թաղի ղեկավարները, ստիպված վերադառնում են Զեյթուն և հանձնվում: Դրանից հետո փաշան անմիջապես ձերբակալում է Նադարեթ Զաուշին: Կառավարությունը ոչ միայն Զեյթունի փախստականներին իբրև օրինակներ էր նկատում, այլև ամբողջ Զեյթունը կը նկատեր մի ըմբոստության կենտրոն: Այդ նպատակով փախստականներին ձերբակալելուց հետո փաշան պահանջում է լեռնականներից՝ հանձնել իրենց զենքերը: Այս պահանջը նույնպես կատարվում է:

Հայդար փաշան լավ գիտեր, որ Զեյթունը հանդիսանում է Կիլիկիայի ալյուրյան ամենաուժեղ ամրոցը և անպայման ցանկանում էր այն մեկուսացնել մնացած տեղերի հայերից: Լեռնականների զենքերը հավաքելուց հետո նա սկսում է աստիճանաբար խստացնել ուժի մը: Իր ձեռքի տակ եղած զինամորթներին մաս-մաս ուղարկում է Արևգին, Ֆոնուզ, Կապան, Շիվիլիկի գյուղերը՝ զինաթափ անում նրանց բնակիչներին: Զինվորները վերադառնում են՝ իրենց հետ բերելով մեծ քանակությամբ զենք. «Ամեն կողմեն զուլումի աղաղակներ լին, որ կը բարձրանային, շրվող զինվորները անոթի գալլերու պես

անխիղճ և անողորմ դավապանի հարվածներու տակ մահացնել սկսած էին շատ մը հայեր։ Ժողովուրդը այս բանը տեսնելով շվարած սկսած էր առանց բացառության հանձնել իր զենքերը, սկսյալ որսի հրացաններին մինչև պատերազմական զենքերը¹⁸։

Տեսնելով, որ դավառակի բնակչությունը զինաթափ է լինում առանց դիմադրության, փաշան գյուղաքաղաքի բնակիչներից պահանջում է հանձնել ոչ միայն փախստականների, այլև մնացածների զենքերը՝ նույնտակ ունենալով զինաթափ անել լեռնականներին և զրանից հետո ծնկի բերել նրանց, մի բան, որին չէին հասել թուրքական զավթիչները զարեր շարունակ։ Ժողովուրդն սկսում է զենքերը հանձնել։ Հստ ականս, ուս Վ. Գարանֆիլյանի, փաշան Զեյթուն գյուղաքաղաքի ժողովրդից հավաքեց 20, իսկ շրջակա գյուղերից 15 հազար տարրեր տեսակի զենքեր։ Մի քանի օրվա ընթացքում գյուղաքաղաքում բանտարկվածների թիվը հասավ 60-ի, իսկ շրջակա գյուղերից՝ 30-ի¹⁹։

Այսպիսով, Մարաշի կառավարիչներին այս անգամ շատ հեշտ ստեսակ մը խորամանկությամբ հաջողած էր բյուռուկ (պստիկ) Մուսկոֆը զինաթափ բնելը²⁰։

1915 թ. ձմռանը Զեյթուն ևն վերադառնում այն հայ զինվորները, ովքեր ծառայում էին օսմանյան բանակում։ Նշենք, որ Զեյթունի վերնախավը պատերազմի նախօրյակին և նրա ընթացքում արդեն նախկինը չէր, նրա մի մասը կապված էր թուրքական պաշտոնյաների հետ և չէր ցանկանում, որ թուրքական բանակում գտնվող զեյթունցի զինվորները վերադառնան՝ խուսափելով ամեն տեսակի անախորժություններից։ Նրանք միամտաբար կարծում էին, որ եթե ծառայության մեջ գտնվողները չվերադառնան, բնակչությանը ոչ մի վտանգ չի սպառնա։ Այդ օրերին լուր է հասնում Զեյթուն, որ Տեորթ-Յուլի ամբողջ արու բնակչությունը բռնի է հեռավոր վայրեր։ Այս լուրը ավելի է զգաստացնում լեռնականներին։ 1915 թ. փետրվարին Զեյթունի զորանոցում կային 400 զինվորներ, իսկ կառավարական շենքը պաշտպանում էին 150 ոստիկաններ։ Բնական է, այս զինված բանակի կողքին կանգնած զինաթափ եղած զեյթունցիները, նրանց դիմադրություն ցույց տալու ցանկություն ունենալու դեպքում էլ, շատ դժվարին կացության մեջ պետք է բնկնեին։ Այդ օրերին մի հարմար առիթ ներկայացավ, որը օգտագործելու դեպքում լեռնականները կարող էին հաջողության հասնել։ Բանն այն է, որ թուրքական հրամանատարությունը զորանոցի զինվորներից վերցնում է նոր զենքերը և նրանց փոխարեն տալիս հինը²¹։ Իմանալով այդ մասին, քաղաքում ժողով է գումարվում, որտեղ որոշվում է Մարաշի ճանապարհին Կյուրեստինի կիրճի մեջ փախստական զինվորների միջոցով բռնագրավել զենքեր։ Սակայն Զեյթունի վերնախավը այդ մասին հայտնում է կառավարությանը։ 1915 թ. փետրվարի 15-ին գյուղաքաղաքում սկսվում է ապստամբության նախապատրաստվող ակտիվ մարդկանց ձերբակալություն։ Նրկու օրվա ընթացքում ձերբակալվում է 60 հոգի, որոնց նկատմամբ դորժադրվում են բռնություններ։

1915 թ. փետրվարի 24-ին, առ զեպրելի մի քանի օր հետո, դավառա-

18 Նույն տեղում, էջ 36։

19 Նույն տեղում, էջ 36—37։

20 Նույն տեղում, էջ 41։

21 Նույն տեղում, էջ 53։

կում շրջող փախստականների խմբերից մեկը Զեյթունից Արևզին գյուղը տա-
նող ճանապարհին հանդիպում է թուրքական ժանդարմական մի պահակա-
խմբի։ Հռոնականները ջախջախում են թուրքերին և վերցնում նրանց մոտ եղած
նոր տեսակի զենքերը։ Հռոնալիս նրանք կտրում են Զեյթունի և Մարաշի
միջև հեռադրական կապը։

Վ. Գարանֆիլյանի հուշերից և ժամանակի հայ պարբերական մամուլում
տպագրված հոդվածներից երևում է, որ այդ փաստը լրջորեն անհանգստացրել
է Զեյթունում գտնվող թուրքական կայմախանին և պաշտոնյաներին, որոնք
կարծել են, թե կրկնվելու է 1895 թ. ապստամբության նման մի բան։ Այդ
միճակից դուրս գալու համար, կայմախանը դիմում է Զեյթունի վերնախափին.
վերջինս նրան խոստանում է, որ եթե փախստականները հարձակվեն քաղաքի
վրա, իրենք իրենց կողմնակիցների հետ միասին կպաշտպանեն այն։ Եվ այս-
պես, թուրքական իշխանությունների հետ կապված գյուղաբաղադրի վերնա-
խափը ամեն զնով ցանկանում էր մարել լեռնականների մեջ բռնկվող ապրս-
տամբության հրդեհը և ժողովրդին ենթարկել թուրքական իշխանություններին։

Հսկյով գյուղաբաղադրի բնակիչների մի փոքրիկ խմբի ապստամբության
մասին, Զեյթունի շրջակա գյուղերի աղագրնակչությունը թուրքական հարձա-
կումից վախենալով, սկսում է 1895 թ. օրինակով աստիճանաբար տեղափոխ-
վել Զեյթուն։ Վերնախափն ամեն կերպ աշխատում է ոչ միայն կտրել ապրս-
տամբների և քաղաքի բնակիչների միջև եղած կապը, այլև գտնել գյուղերի
բնակչության մոտորը գեղի գյուղաբաղադրի «եղայական համագումար ժողովն
իր աշակերտն նախադասով, որովհետև գալմաղամն այլևս մասնակցել սկսած էր
իրենց ժողովներուն, երկրորդ անակնկալի մը դեմ գնալով գինք սկսավ ամեն
ձեղ թափել, որպեսզի գեղի Զեյթուն բրած գաղթը դադարի, սակայն անօգուտ
ձեռնարկներ էին, ժողովուրդը իր բնան տարվա առաջ տեսածը կը կրկներ
այդ օրս²²։

Որոշ ժամանակ անց ապստամբած խմբերը իրար միանալով, ամրացան
Զեյթունի վանքում։ Ապստամբելով աշնանը, նրանք նպատակ ունեին ոտքի
հանել գյուղաբաղադրի բնակիչներին, գրավել թուրքական կառավարական տու-
նը, գորանոցը, լեռնականներին պաշտպանել վերահաս վտանգից։ Այսպիսով,
Պերդնկա լեռան վրա կառուցված Զեյթունի հինավուրց վանքը դարձավ ապրս-
տամբության կենտրոն։ Եթե մինչ այդ տեղի ունեցած բոլոր ապստամբությու-
նների ժամանակ Զեյթունն էր հանդիսացել ապստամբության կենտրոնը, ապա
այժմ այն տեղափոխվել էր վանք, որի թաղի ամբողջ բնակչությունը համա-
կրում էր ապստամբներին։

Վանքում ապստամբածները թուրքական իշխանություններից պահանջում
են ազատել բանտարկված 60 երիտասարդներին, կառավարչատունը և գորա-
նոցը հանձնել հայկական նորահաստատ կառավարությանը (այսպես էին կո-
չում նրանք իրենց), հռոնալ Զեյթունի սահմաններից։ Վերջապես, պաշտոն-
յաները և զինվորները Զեյթունից հռոնալով պետք է վերցնեին իրենց անձնա-
կան իրերը, իսկ մնացածը պետք է մնար ապստամբներին²³։

Այս պահանջները կատարելու համար նրանք 24 ժամ ժամանակ են տալիս
կայմախանին և սպասում պատասխանի։ Կայմախանն անմիջապես հրափրում

²² Նույն տեղում, էջ 89։

²³ Նույն տեղում, էջ 93։

տեղահան հղած ժողովրդին, եթե հարկը պահանջեալ²⁵, ժամանակակիցների վկայությամբ, «Սահակ կաթողիկոսը կը հորդորէ Ջիմալ փաշայի հրամանը իր բոլոր թեմերուն, եկեղեցւոյն պաշտոնյաներուն միջոցով, և մասնավոր եկեղեցականներ կը դրկէ Զեյթուն, Հաճըն, Տեորթ-Յոյ, որպիսով կացութեան բացառիկ դժուարութիւնները հաղորդեն ժողովրդին²⁶, «Հիմա միայն բացարձակ հնազանդութեամբ է, որ պիտի կրնանք ապրել մեր արդարասիր և հպատակասիր կառավարութեան հետ»²⁷, — ասել է ամեն անգամ իր նամակներում կաթողիկոսը, առանց հասկանալու, որ իր անդին հոտը հանձնում է զինված դաշերին, որ միեւնոյն է, թուրքական կառավարութիւնը հայակործան իր քաղաքականութիւնից հրաժարովոր չէ, եւեթ կաթողիկոսը Քաղաքականութիւնից հետո մի մարդ էր նա, և կարճ ժամանակից հետո միայն հասկացաւ հայ ժողովրդի զինին եկած ողբերգութեան սարսափելիութիւնը: Ժողովրդի տեղահանութեանց որոշ ժամանակ անց նրան նույնպէս առաջարկվեց թողնել իր նախորդների դարավոր աթոռանիստը՝ Սիսը և գնալ Հալեպի դավառանքներից մեկը և խորհել իր հոտի հետ պատահած, մինչև այդ իր նմանը շունեցող, դարհուրելի ոճիրի մասին: Տեղահանութեանց որոշ ժամանակ անց թուրքական կառավարութեան կարգադրութեամբ իրար միացվեցին Սսի և Աղթամարի կաթողիկոսութիւնները, Կոստանդնուպոլսի և Երուսաղեմի պատրիարքութիւնները: 1916 թ. հուլիսի 19-ին կաթողիկոսին հանձնվեց մի «Կանոնագիր հայոց կաթողիկոսութեան և պատրիարքութեան» անունով, որն ստորագրված էր սուլթանի և նրա բոլոր մինիստրների կողմից: Այդ կանոնագրի առաջարկում գրված է. «Սոս և Աղթամարի հայ կաթողիկոսութիւնները միացված և Կ. Պոլսոյ ու Երուսաղեմի պատրիարքութիւններն ալ այս կաթողիկոսութեան վրա ավերացված են: Օսմանցի հայերնուն բնդհանուր հոգևոր նախագահութիւնն այս կաթողիկոսութեան և պատրիարքութեան կը պատկանի և բոլորովին կտրված են իրենց կապն ու հարաբերութիւններն էջմիածնի կաթողիկոսութեան հետ:

Կաթողիկոսին ու պատրիարքին բնակավայրերն է Երուսաղեմի Ս. Հակոբի վանքը, և իր հոգևոր շրջանակն են Օսմանյան երկրները»²⁸:

Այսպիսով, այս կանոնագրով օսմանյան իշխողները փաստորեն վերջ դրեցին հայ երկու պատրիարքութիւններին և կաթողիկոսութիւններին, այն անջատեցին էջմիածնի Մայր աթոռից: Սահակ Խաչատրեան ստիպված էր հաստատել վերը նշված կանոնադրութիւնը և իրեն կոչել «Սահակ սրբադնադույն կաթողիկոս Հայոց Թուրքիոյ և պատրիարք Ս. Երուսաղեմի և Կ. Պոլսոյ»:

Վերը նշված հեռագրերն ու նամակները, Զեյթունի փերնախափի մեծ մասի բռնած զիրքը, որի մասին արդեն մենք ասացինք, ապստամբներին անջրպետեց լեռնազավառի գյուղերի բնակչութեանց, որը և դարձաւ ապստամբութեան հրդեհը մարելու հիմնական պատճառներից մեկը: Զեյթունի ապստամբները մոտ մեկ ամիս նստել էին վանքի պարիսպների ներսում: Այդ ժամանակ թուրքական պաշտոնյաները, փերականգնելով հեռագրական կապը Մարաշի հետ, քաղաքի բնակչութեանը խոստանում են, որ նրանց նկատմամբ ոչ մի վատ բան չի արվի, եթե հրաժարվեն ապստամբներին միանալու մտադրութեանց:

25 «1915, Ադես և վերածնունդ», Փարիզ, 1952, էջ 29:

26 Նույն տեղում:

27 Մատենադարան, ..., Թղթ. 240ա, վաղ. 75, էջ 113:

28 «Պատմութիւն կաթողիկոսաց Կիլիկիոյ», էջ 933:

Փետրվարի ընթացքում Զեյթունի վերնախավը մի քանի անգամ պատգամավորություն է ուղարկում ապստամբների մոտ և հորդորում նրանց՝ հրաժարվել իրենց մտքից, սակայն ապստամբ ղեկավարները որոշում են իջնել քաղաք, գրավել զորանոցը, իսկ եթե այդ շահչողվի, ապա կովել մինչև արյան վերջին կաթիլը: Ապստամբները հույս ունենին, որ քաղաքը կմիանա իրենց և օգնական ուժեր կստանան նաև շրջակա գյուղերից ու Կիլիկիայի հայությունից:

Այդ օրերին Մարաշից մի գումարտակով Զեյթուն է ժամանում հաղարապետ Սուլեյմանը: Լսելով այդ մասին, չնայած ուշացումով, բայց և այնպես վաճառում գտնվողները որոշում են հարձակվել քաղաքի վրա, դրավել կառավարական տունը: Նրանց այդ մտադրության մասին իմանալով, Զեյթունի վերնախավը տեղեկացնում է կառավարողներին, որոնք զորանոցից զգալի չափով ուժեր են ուղարկում քաղաք և կազմակերպում են քաղաքի և կառավարական տան պաշտպանությունը: Ապստամբները ոչնչի առաջ կանգ չառնելով, հարձակվում են, հուսալով, որ կովի ընթացքում ամբողջ քաղաքի բնակչությունը կմիանա իրենց: Սակայն վերնախավի կողմից բնակչության շրջանում մի ամսից ավելի տարվող աշխատանքն իզուր չէր անցել: Ժողովրդի մեծամասնությունը, հավատալով թուրք կառավարողներին և վերնախավի սուտ խոստումներին, չմիացավ ապստամբներին:

Ինքնապաշտպանությունից ձևական մնացին նաև Ֆոնուզ, Շիրվիլիկի, Ավագկալ, Պունուզ և այլ գյուղերի բնակիչները: Դեռ ավելին. ամեն կողմից լեռնականներին համոզում էին հրաժարվել դինված պայքարից: Մարաշի հայերը հանձնաժողով ուղարկեցին ղեկավարների մոտ և խորհուրդ տվեցին նրանց չմիանալ ապստամբներին: Մարաշցիները լեռնականների մոտ ուղարկեցին գերմանացի չերպուկներ, լուսավորչականներից՝ Տեր-Սահակին, հայ կաթողիկոսներից՝ Տեր Նորենին և բողոքականներից՝ Ահարոն Շիրաճյանին²⁹: Մարաշի հանձնաժողովի մեկնելուց հետո օսմանյան կառավարողները դատարկեցին քաղաքի վարչական շենքը, տեղափոխեցին իրենց գույքը և պահեստում ունեցած հացահատիկը, որ որպես հարկ նրանք հավաքել էին Զեյթունի շրջակա գյուղերից: Իրանից անմիջապես հետո վրա հասած թուրքական 10 հազարանոց բանակը դիմադրության չհանդիպելով, դրավեց զյուզաքաղաքը:

1915 թ. մարտի 14-ին կառավարության ղեկավարների և զորանոցի հրամանատարի հրամանով թուրքական բանակի ուժերը վաշտ առ վաշտ շարժվում են դեպի Զեյթունի հինավուրց վանքը: Վանքը դրավելու համար թշնամին օգտագործեց ոչ միայն հետևակային ուժեր, այլև թնդանոթներ: Թուրքական բանակին, զգալի կորուստների դնով, հաջողվեց դրավել վանքի մոտ գտնվող այգիները: Լեռնականներին այդ չվհատեցրեց, նրանք ավելի ուժեղացրին կրակը և կարողացան կռիվից թուրքերի հարձակումը:

Թուրքական հրամանատարությունը կարգադրում է թնդանոթներով ուժերակոծել վանքը, որի հետևանքով քանդվում է վանքի պարսպի մի մասը: Սակայն հանդիպելով պաշարվածների կատաղի դիմադրությանը, թուրքական զորքերը երկկույան վերադառնում են զորանոց: Նրանք նախապատրաստվում են հաջորդ օրը նոր ուժով շարունակելու իրենց հարձակումը վանքի վրա, բայց

29 Մատենադարան, ..., Թղթ. 240ա, վավ. 75, էջ 151:

ապստամբները հենց այդ գիշեր թողնում են վանքը և հեռանում լեռները։ Նրանց մի մասն անցնում է Ֆրնտրճապ, իսկ մնացածները՝ Ամանոսի լեռները և կռվում են մինչև գինսուղադար հայտարարելը։ Կենդանի մնացած ապստամբների հուշերից պարզվում է, որ լեռնական կտրիճների այդ փոքրիկ ջոկատը ամիսներ շարունակ զգալի վնասներ էր հասցնում հետապնդող թուրքական զորքերին։ Դիշտ է, փոքրաթիվ ուժերով նրանք չէին կարող ճակատ առ ճակատ հանդես գալ լեռնամուղև, բայց հետապնդողներին զգալի կորուստներ էին պատճառում դիպուկ և սրընթաց հարվածներով։

Հաջորդ օրը թուրքական զորքերը գրավում են վանքը, հրկիզում այն և վերածում են մոխրակույտի:

Հեռանկանների ապստամբությունն անհաջողությունը խոր ազդեցություն
թողեց շրջակայքի հայ բնակչության վրա: «Զեյթունի ապստամբության՝ ախ-
պիսի տխուր վախճանի մը հասնելը,— գրում է ժամանակակիցներից մեկը,—
ողբալի դրություն մը սողոթեց մեր հայրենի կյանքին մեզ»⁵⁰:

Վանքը գրավելուց անմիջապես հետո թուրքական կառավարողները մշակեցին պաշտպանության և գավառակի պաշտպանության ժողովրդին տեղահան անելու իրենց դիմադրության ծրագիրը։ Նրանք գավառակի պաշտպանության կառավարության ստեղծման 24 ժամվա ընթացքում հեռանալ Զեյթունից։ Նրանից հետո թուրքական պետական ուժերը սկսեցին լեռներում հետապնդել ապստամբներին։

1915 թ. մարտի 26-ին թուրքական իշխանությունները Զեյթունի վերնախավին, ինչպես նաև վանքի ապստամբների ընտանիքներին հայտնեցին, որ նրանք ժամանակավորապես պետք է թողնեն Զեյթունը: Շուտով Զեյթունից գեպի Մարաշ շարժվեց աքսորականների առաջին բարավանք, ըստ որում դրանք այն ընտանիքներն էին, որոնք շատ ջանք թափեցին ապստամբներից քաղաքն անջատելու համար:

Հստ S. Անդրիտսյանի, ապրիլի 9-ին գորանոց բերվեց վերնախափի մեծ մասը, մի քանի օր հետո արտաքսվեցին վերնախափի եւ 60 ընտանիք³¹:

1915 թ. ապրիլի ?-ին տեղահանվեց Զեյթունի վանքի թաղի ամբողջ բնակչությունը քաղաքի մի քանի ընտանիքների հետ միասին: Այդ թաղի բնակիչները ճորովոր բառին բուն նշանակություն մերկ և անոթի ճամբա տրված էին անոնք ոչ գույք ունեին հետևյալին, ոչ գրաստ և ոչ էլ ճամբու պաշար, իրենց տունները օրեր առաջ այրվել և վերջացել էր միջի պարունակությունները միասին. և խեղճերը այդ օրին ի վեր քաղաքը իրենց ազգականներու քով կը պատսպարվեին»³²:

Վերապրող գեյթունքիները միաբերան հաստատում են, որ թուրքական պաշտոնյաները ժողովրդին համոզել են, թե այդ տեղահանությունը կարճատև միջոցառում է և բոլոր բնտանիքները ապահով կհասնեն իրենց համար նշանակված վայրը, իսկ նրանց կյանքին ոչ մի վտանգ չի սպառնա: Վերը նշված պրոպագանդը թուլացնում էր բնակչության՝ պետքը ձեռքին պայքարելու ձգտումը: Իրականում, տեղահանությունից անմիջապես հետո պաշտպանող բնակիցիվում էր առնառատ և պոռնակ կոչվող թուրքմեն ցեղերով: «Զեյթուն տեղա-

30 Այլ ե տ ի ս դ. Բ Ե Ե Յ ա ն, Դրվագներ ապրիլյան մեծ եղեռնին, Պեհեսեթալտյան, Դոդոթյան (1914—1918) Պեղումը, 1956, էջ 21:

31. Տ. Ա և Պ Ր Ի Ս Ա Յ Ա Լ, Զեյթունի տարեգրությունը, էջ 29,

³² Մատենադարան, Լկլ և ալլ հեղինակների արժիւյ. Թղթ. 240ա, վաւ. 75, էջ 188.

հան եղած ժամանակ թույլ չեն տար ժողովրդին իրենց հետ առնել ոչ դույր և ոչ ալ փոխադրության միջոց: Միայն ունեին իրենց կրած հաղուստը և երեք-չորս օրվան պաշար: Զեյթունը հայերեն դատարկելին անմիջապես հտորը կը լցնեն ոռոմելցի թուրք զաղթականներով³³:

Այսպես ուրեմն, թուրքական կառավարողներն ու զինվորները, որոնք վանքի ապստամբություն օրերին վախենում էին անդամ շրջել դյուղաբաղարում, իրադրությունը փոխվելու հետ միասին ոչ միայն այրեցին վանքը և նրա թաղի տները, այլև բնակիչներին դուրս շարտեցին հայրենի դյուղաբաղաբից:

Բազմաթիվ վկայություններից երևում է, որ զեյթունցիների տեղահանությունը կատարվել է չափազանց զաժան մեթոդներով: «Չափահաս այրեր և կիներ,— դրում է ականատեսը,— երիտասարդ մայրեր և աղջիկներ կը խորհնին, թե պիտ հաջողին անոթի երկու օրեն Մարաշ հասնել, բայց ո՞ր ձեռքով փոքրերը, որոնք անոթով են շահո ստիպված էին բորիկ ոտքով կիսամերկ մարմնով անընդհատ քալելուն. այդ պայմաններու տակ տեսա երբեմն հայ մայրեր, որոնք իրենց ծծկերները կը նախընտրեին այդ վայրկյանին ճամբու վրա ձգել ու երթալ, քանի որ իրենց վիճակն անորոշ և անտանելի էր»³⁴:

Վանքի թաղի քարավանը երկու օրում հասավ Մարաշ և մի քանի օրից հետո ուղղություն վերցրեց դեպի Պաղչե, Օսմանիե, ապա Տարսուս (Տարսոն), որտեղից էլ Կոնիա և ապրիլի 29-ին հասավ Սուլթանիե: Սա մի տեսակ հավաքատեղի էր, ուր թուրքական ջարդարարները հավաքել էին Կոստանդնուպոլսից, Կոնիայից, Պարտիզանից, Ատարազարից, Իզմիրից, Արմաշից և այլ վայրերից բշված հայ բնաջանները³⁵:

Ականատեսներից մեկը դառնությամբ է վերհիշում լեռնականների քարավաններից մեկին, որին նա հանդիպել է Այնթապում. «Տխուր երևույթ մը պարզվեցավ մեր աչքին: Զանազան շարքերի և հասակի հայուհիներու, ծերերու և մանուկներու, հազարավոր հողի բաղկացած բազմություն մըն էր կարավանը:

Զոհերը լիո ու ձոր շաքաթներով քալելին հոգնած և ուժասուսու, խարազաններով զինված, անդուր ոստիկաններու վախեն սարսափահար և վիրավոր ոտքերով, ինկած էին քարքարոտ դեղձի մը վրա...»³⁶:

Հայկապի կուսակալ Ճիլալ բեյի խոստովանությունից երևում է, որ կառավարությունն ամենից շատ վախեցել է Զեյթունի լեռնականներից և պահանջել անմիջապես տեղահան անել ժողովրդին, սակայն կուսակալը այն մարդկանցից էր, ովքեր հասկանում էին տեղահանությունների հետևանքները և այդ պատճառով էլ հրաժարվում է կառավարության պահանջը կատարելուց: Իմանալով այդ մասին, կառավարությունը Մարաշն առանձին կուսակալություն է հայտարարում, ճեղքվին տեղափոխում ուրիշ տեղ, որից հետո միայն տեղահան են արվում լեռնականները:

Մեր պատմագրության մեջ ապրիլյան եղեռնի սկիզբը համարվում է 1915 թ. ապրիլի 24-ը: Սա այն օրն էր, երբ Կոստանդնուպոլսում բանտարկվելիցին հայ մտավորականները Սակայն լեռնականների տեղահանությունը սկսե-

³³ «Աղետ և վերածնունդ», էջ 31:

³⁴ Մատենադարան, ..., թղթ. 240ա, վավ. 75, էջ 189:

³⁵ Նույն տեղում, էջ 195:

³⁶ Ա Վ Ե Մ Ի Ն Պ Ե Բ Ե Կ Ե Ն, Գրվագներ ապրիլյան մեծ եղեռնին, Պեյրուի, 1956, էջ 55:

վել էր դրանից առաջ և նրանց բարավանները մայիսի կեսերին արդեն Սուլ-վանիեում էր, որտեղից նրանք պետք է գնային Տեր-Ջորի անապատները:

Հայերի հետ ունեցած խոսակցության ժամանակ Հայկույի կուսակալ Ճեղալը տասել է. «Տեսե՛ք, ես Հայկույի կուսակալն եմ, ինձի հրաման եկավ, որ գնա և գեյթունցիները տեղահան բրեւ ես ալ բախ, թե Զեյթուն կերթամ, եթե հոն հան-ցավոր մարդիկ գտնեմ՝ պատերազմական ատյանի կհանձնեմ, եթե դատա-պարտվին՝ մահվամբ կը պատժիմ զանոնք. բայց մեղավորներն ու անմեղները անխտրարար, կին, աղջիկ, մանուկ տեղահան չեմ բնելու Դիտե՞ր թե հետո ինչ բրին: Մարաշը անկախ կառավարություն հայտարարեցին և ուղղակի Պուտ հետ կապեցին, և Թալեաթի հրամանով Զեյթունը տարադրեցին և գեյթունցի-ները փշացուցին»³⁷:

Նշենք, որ հայերին բնաջնջելու գաղտնի հրամանից դեռ շատ առաջ, որը տրված է 1915 թ. մայիսի 15-ին և որի տակ ստորագրել են ներքին և ռազմա-կան նախարարներ Թալեաթը և էնվերը ու Իթիհատ կուսակցության բարաու-ղար զոկտուր Նազիրը, արդեն սկսվել էր տեղահանության գործը: Այդ հրամանի մեջ նրանք գտնում էին, որ Անգլիայի և Ռուսաստանի միջև եղած հակասություն-ների պատճառով այդ պետությունները պատերազմի հաջող ելքի գնալուց չեն կարող իրար մեջ բաժանել Թուրքիայի հողերը և այդ պատճառով էլ հնարավոր է, որ այն հանձնեն մի ժողովրդի, որը կարող է իրենց շահերին ծառայել: Այդ ժողովուրդը նրանք համարում էին հայերին և այդ պատճառով էլ առաջարկե-ցին տեղահան անել նրանց:

«Երբորդ իրավատեր այդ ժողովուրդը, — գրված էր այդ հրամանում, — եայտ միայն կրճաւ րլլաւ: Աստված մի արասցե, մեր պարտության հաջորդող հաշտության մը բանակցություններն ինքնին դուրս պիտի գա «Հայկական հարցը», որ արդեն կես պարե ի վեր միջազգային հանգամանք առած ու սպառ-նապին ցցված է մեր կուրծքին:

Ուրեմն մեր հայրենիքը, ազգը, պետությունն ու կրոնքը, այդ տեսակ հա-վանական մեծ վտանգի մը դեմ պաշտպանելու համար, իսլամ և թուրք ժողո-վուրդը ներկայացնող կառավարությունը և իթիհատ թերաքը կոմիտեն, միա-ցած ուժերով, ինչ որ ալ պատահի, ոեւ հաղթության սեղանի վրա, ոեւ ձեռով հայկական հարցի մը զրվիրը կանխելու համար, օգտվելով պատերազմին մեղ բերած սա անկախությունն, որոշեցինք վերջնական հաշվահարդարի ենթարկել զայն, բնաջնջելով այդ անհարապատ ուարը՝ բշելով զանոնք գեպի Արաբիո անապատները, համաձայն տրված մեր գաղտնի հրահանգին»³⁸:

Ինչ խոսք, հայ ժողովրդի այդ արյունակղակ թշնամիները միաժամանակ պատճառաբանում էին այդ հարցը նաև նրանով, որ Թուրքիայի դեմ կռվող բա-նակներում կային հայ կոմավորական ուժեր, երկրի ներսում կային հայ կու-սակցություններ և վերջապես ժողովրդի մոտ գտնվում էր նաև որոշ չափով գեներ ու գինամիլեր: Այս բոլորը սոսկ պատրվակներ էին: Փաստը մնում է՝ փաստ, որ Բեռլինի վեհաժողովից հետո թուրքական կառավարությունը տա-նում է հայերին ֆիզիկական բնաջնջելու քաղաքականություն, նրա դեմ միշտ

³⁷ Ա շ ճ յ ա ն Հ ա մ բ ա ր Ա ու մ, Ատանայի եղեռներ և Գոնիայի հուշեր, Նյու-Յորք, 1950, էջ 178:

³⁸ Ժ ա Մ կ ո չ յ ա ն Ա ր ս ե ն, Գրվագներ հայկական եղեռնին և վերածնունդ, Փարիզ, 1946, էջ 179—181:

երևում էր այդ հարցի ուրվականը, որը նրան հանդիսատեղի տալիս և հայկական հարցի լուծումը նա տեսնում էր միայն ու միայն հայերին ոչնչացնելու մեջ։ Այդ դիվային ծրագրի իրագործման ճանապարհին պատրվակներ ու պատճառներ գտնելը այնքան էլ դժվար չէր թուրքական կառավարության համար։

Իթթիհատի գործադիր կոմիտեի նիստերից մեկում Պեհաեմին Շաքիրը գտնում է, որ անհրաժեշտ է անմիջապես սկսել և վերջացնել հայերի տեղահանության հարցը, որի ընթացքում պետք է կոտորել ժողովրդին. «Պատերազմի մեջ ենք,— ասում է նա,— եվրոպայի և մեծ պետությունների միջամտության վախ չկա. աշխարհի մամուլն ալ չի կրնար բողոք բարձրացնել. եթե բլլա իսկ, ունե արդյունք չունենար, առաջիկային խնդիրը կատարված իրողություն մը կդառնա»³⁹։

Իթթիհատի գործադիր կոմիտեն, սակայն, նախատեսում էր այդ տեղահանությունը և կոտորածը կատարել ոչ թե բանակի և ոստիկանության միջոցով, այլև բանտերից աղատել ոճրագործներին, մարդասպաններին և նրանց հանձնել այդ գործը։ «Զինվոր մը,— ասում է Շաքիրը,— կաթնկեր մանուկ մը մորը դիրկեն հափշտակելով, մորը աչքերուն առջև չի կրնար գլուխը ջախջախել. չի կրնար և թերևս մայրն ալ փրկելու կաշխատի, տրված հրահանգին գործադրությունը իր դինվորական պատվույն հակառակ կը գտնե, և կրմբոստանա»։

Նույնպես՝ դինվոր մը անկարող, ձեռքերը կապված ծերուկի մը կուրծքին չի կրնար իր սվինը մխել. ծերին դժալ պարտականություն կը համարե. այս վայրագությունը հերոսություն չի նկատեր»⁴⁰։

Առաջին երեք քառավաններից հետո մի քանի օր գյուղաքաղաքում մարդիկ չեն տեղահանվում։ Թուրքական ուժերն այդ ժամանակամիջոցում շրջապատում են Զեյթունը։ Ապրիլի վերջերին Վերին թաղի բնակիչները՝ թվով 300 տնտեսություն, հրաման են ստանում թողնել քաղաքը։ Այս թաղն արսորվում է այն ժամանակ, երբ դավառակի գյուղերն արդեն անմարդաբնակ էին։ Մի քանի օր անց Պողոսյայի, Գարեկյարի և Միջին թաղի բնակիչների կարավաններն իրար հետից բռնում են արսորի ճամփան։ Մայիս ամսին արդեն Զեյթունում ոչ մի հայ չի մնում։

Զեյթունի այն բնակիչները, որոնք արսորվեցին ապրիլի 20-ից հետո, ուղարկվեցին Տեր-Ջորի անապատները, որտեղ տաք խորշակն իր դաժանությամբ պետք է հնձեր կլիմայի անսովոր լեռնականների շարքերը։ Վերջին քառավանների ներկայացուցիչներին թույլատրված էր Կոնիայում բարեկամներ կամ ազգականներ ունենալու դեպքում մեկնել այնտեղ, իսկ մնացածները Տեր-Ջորի Այսպես ուրեմն, այս բոլորից հետո մեկընդմիջ տատարվեց արժվարույնը, որը դարևո շարունակ հայ ազգային-ազատագրական շարժման ամենախոշոր կենտրոններից մեկն էր եղել։

Լեռնական գեյթունցիներն արսորի ճամբան բռնեցին մի քանի ուղղություններով։ Մոտ 8.000 կանայք և երեխաներ քշվեցին Կոնիա, 5.000 հոգի՝ Հալեպ, մնացածները՝ Տեր-Ջոր, Ռաքա և մինչև Բաղդադի մոտերքը։ «Գոնիայի կողմերը ղրկածները,— պատմում է ականատեսը,— այն աստիճան թշվառ վիճակի մեջ կը գտնվեին, որ Պողանթիեն թիչ մը անդին գտնվող Գարա-Բու-

³⁹ «Տեր-Ջոր», Փարիզ, 1955, էջ 258։

⁴⁰ Նույն տեղում, էջ 264։

նարի կայարանը 6.000-ի վրա օրական 150—200 հոգի կը մեռնին անոթախտով։ Զեյթունի բնդ. բնակչությունը 26.000 հոգի ըլլալով, 19.000-ը քշված են Միջագետքի շրջանը, որ ջարդված են ամենամեծ մասամբ»⁴¹։

Թուրքական կառավարության ոճրագործ ծրագրի համապատասխան տեղահան արվեցին ոչ միայն Զեյթուն գյուղաքաղաքի և նրա գավառակի, այլև Ալիստանի, Մերսինի, Յարփուղի, Ադանայի, Սսի, Տարսուսի, Կուքսյունի, Հաճընի, Այնթափի, Քիլիսի և Կիլիկիայի մնացած վայրերի հայ բնակիչները։ Նրանց մի մասը ոչնչացվեց հենց ճանապարհին, իսկ մյուս մասը դարձավ անապատի դաժան կլիմայի, սովի և հիվանդությունների զոհ։ Աղատվածների մի մասն էլ ցիրուցան հղավ հողագնդի տարրեր մասերում։ Տեր-Ջորի անապատն ուղարկված 7.000 զեյթունցիներից և ոչ մեկը կենդանի չմնաց⁴²։ Տարագրությունից անմիջապես հետո, երբ գյուղաքաղաքը բնակեցվում է թուրքական ցեղերով, փոխվում է նրա անունը. սկզբից այն անվանվում է «Ծնի շահիր», իսկ հետագայում և ալժմ էլ կոչվում է Վանքի կոնիսերում սպանված հազարապետ Սուլեյմանի տնունով՝ «Սուլեյմանլը»։

Ինչպես տեսնում ենք, Կիլիկիայի հայ բնակչության ճնշող մեծամասնությունը հնազանդվում է թուրքական կառավարության կամքին և բռնում է արևմտի ճամփան։ Մակայն հղան գյուղեր և անհատներից կազմված խմբեր, որոնք արհամարհեցին մահը, բարձրացան Տավրոսի անմատչելի լեռնագագաթները, միացան այնտեղ գտնվող ապստամբներին և որոշեցին չհանձնվել թուրքական իշխանությունների ողորմածությանը, կովի մինչև մեռնելը։ Լեռներում եղած ապստամբներին միացան նաև թուրքական բանակից փախած հայ երիտասարդները։ Նրանք անմատչելի վայրերում սլարեն և գինամթերք կուտակեցին ապագա կոնիսերի համար։

Կառավարությունը մի գործառն ուղարկեց լեռներում սպառնալից լինող ճնշվող համար։ Այս գործառն միացան Զեյթունում բնակված առնառու և պոչնազ ցեղերի կովի տղամարդիկ։ Լեռներում թաքնված մարդիկ հիանալի գիտեին իրենց հայրենիքի անմատչելի վայրերը, նրանք թաքնվում էին այդտեղ և հանկարծակի հարձակվում թուրքական ջոկատների վրա։ Լեռնական զեյթունցիների թիվը հասնում էր մոտ 100-ի, այդ խմբի կողմից լեռներում ապրում ու թշնամու դեմ սպաքարում էին նույնքան ֆոնուցիներ։

Զեյթունի տեղահանությունից մի քանի ամիս հետո 1915 թ. հուլիսին և օգոստոսին Մարաշում մի քանի օրվա բնթացքում դատաստան են տեսնում բանտարկված 200 զեյթունցիների հետ։ Նրանցից 40-ը զնդակահարվում են, որից հետո յուրաքանչյուր օր 10—15 հոգու կախաղան բարձրացնում։ Միայն նրանց մի փոքրիկ մասը՝ երկու տասնյակից ավելի մարդ, 15-ական տարվա բանտարկության դատապարտվելով, երկու խմբով ուղարկվում է Տեր-Ջոր, Հալեպ և Տիգրանակերտ։

Զեյթունի վերջնական տեղահանությունից հետո ապստամբների մի մասն անցնում է Ֆրեստրճազ գյուղի մոտ գտնվող Դարանամես անտառ։ Սա 500 տնտեսությունից բաղկացած հայկական գյուղ էր և գտնվում էր Զեյթունից դեպի արևմուտք, 6 ժամվա հեռավորության վրա։ Մարաշի շրջակայքի թուրք բնակչությունը Ֆրեստրճազն անվանել է երկուրդ Անյուն։ Իր քաջ լեռնական-

41 «Հուլամատյան մեծ եղեռնի», Պեյրութ, 1965, էջ 482։

42 Տ. Ա. Ն. Գ. Ի. Բ. Ե. Զ. Զեյթունի տարեգրությունը, էջ 80։

սերով, անմատչելի ձորերով, դժվարանցանելի ճանապարհներով այն ժողովրդի պաշտպանության հիանալի անկյուն է եղել: Եյուդի բնակչությունը գեյթունցիների ջոկատից մանրամասն տեղեկություններ քաղելով Զեյթունի և նրա շրջակա գյուղերի տեղահանության մասին, ապստամբություն է բարձրացնում, որոշում է շահագանգվել թուրքական կառավարողներին և ջոկատի մարտիկներին խնդրում մնալ իրենց գյուղում և միասին պայքարել թշնամու ուժերի դեմ: Թուրքական ջարդարարների նախօրոք կազմած պլանով Ֆրնտրճազ գյուդի բնակչությունը պետք է տեղահանվեր, իսկ բնակիչները գեյթունցիների օրինակով քշվեին հեռուները: Զեյթունի վանքի պաշտպաններից միայն 40 հոգի էն հասնում Ֆրնտրճազ: Թուրքական իշխանություններն իմանում են նրանց՝ գյուդի ժամանելու մասին, բայց սկզբնական շրջանում ոչ մի միջոցառում չեն ձեռնարկում վերջիններիս նկատմամբ: Ֆրնտրճազում գտնվող Օմար Բեյը գիտեր լեռնցի ապստամբների տեղը, սակայն ցանկանում էր նրանց նկատմամբ սիջոցներ ձեռնարկել Սարաշից նոր ուժեր ստանալուց հետո միայն: Այս նպատակով նա մեկնում է Մարաշ և վերադառնում նոր զինվորական ուժերի հետ միասին: 1915 թ. հունիսի 26-ին նա իր հրոսակախմբերի զուխն անցած պաշարում է այն տունը, որտեղ գտնվում էին Վանքի պաշտպանությանը մասնակցած լեռնականները: Իմանալով այդ մասին, Ֆրնտրճազ գյուդի բնակիչներն հարձակվում են թուրքական ուժերի վրա: Ընկնելով ֆրնտրճազցիների և լեռնական գեյթունցիների կրակի տակ, թուրքական ուժերը ջախջախվում են: Լեռնականների ձեռքն է անցնում 30 հրացան, մեծ քանակությամբ փամփուշտ և 10 ձի⁴³: Այս մարտից հետո ֆրնտրճազցիները և նրանց մոտ գտնվող գեյթունցիները լուրջ նախապատրաստվում են ինքնապաշտպանության: Մարաշի կառավարությունը պատվիրակություն է ուղարկում ապստամբների մոտ և խոստումներ է տալիս նրանց, սակայն ապստամբները պատասխանում են. «Մենք մեր ղեկները չենք հանձնել և մեր գյուղեն այլ չենք հեռանալ: Մենք կուզենք քաջաբար մեռնիլ, ոչ թե ապավինիլ. ստրկաբար. այսպես ըսեք ձեր զրկողներուն»⁴⁴:

Ֆրնտրճազի ապստամբների շարքերում էին ոչ միայն գեյթունցիներ, այլև Տերեբույ և Քիշիֆլի գյուղերի բնակիչները: «Հոն տեսարանը սրտաճմլիկ էր, մանուկներ, ծերեր, պառավներ կաղթեին, կուլային... մայրը փնտրող մանկիկներ, վիրավորներ, չեմ գիտեր, ինչպես սլարդեմ տեսածներս»⁴⁵:

Զեմալ փաշան, որ այդ ժամանակ գլխավորում էր Կիլիկիայի հայերի տեղահանությունը, Սահակ Խապայան կաթողիկոսին տված իր հեռագրերից մեկում, Ֆրնտրճազի ղեկավարը համարում է Կիլիկիայի ժողովրդի տեղահանությունն արագացնող պատճառ: Սա հորինված սուտ էր օսմանյան սատրապի կողմից, որովհետև Կիլիկիան արդեն դատարկվել էր բնակիչներից, երբ Ֆրնտրճազցիները վանքի դիմեցին: Այդ հեռագրում կարդում ենք.

«Հայ կաթողիկոսություն: Հայեալ

Պատասխան—կը ցավիմ, որ Ֆրնտրճազի ղեկավար տարագրության հետաձգման կատարելությունը չթողուց, այսուհանդերձ հայ ընտանիքները ամեն

⁴³ Աղաժյան Դավիթ, Կիլիկիայի զրկողներ, Ֆրնտրճազի նախապատրաստ, Փարիզ, 1921, էջ 28:

⁴⁴ Նույն տեղում, էջ 30:

⁴⁵ Զեյթունի պատմագիրք, էջ 960:

տեսակ թշվառություններն զերծ պահելու համար ամեն կողմ նորեն հրամաններ արվի:

Զորորդ բանակի հրամանատար և ժողային նախարար Ահմետ Ճեմալ⁴⁶:

Ապստամբներն ունեցել են ընդամենը 500 կուլոններ, 250 «մարտին» սիս-տեմի հրացան՝ 40.000 փամփուշտներով: Այս զենքերի մի մասը գտնվել է ապստամբների մոտ, իսկ մյուս մասը նրանք ձեռք էին բերել Օմար Բեյի զորքերի հետ ունեցած ընդհարման ժամանակ: 1915 թ. հուլիսի 31-ին 8.000-անոց թուրքական բանակը, զնդապետ Կալիպ բեյի գլխավորությամբ, շարժվում է դեպի Ֆրեստեդաղ⁴⁷: Օգոստոսի 1-ին թշնամին: Թնդանոթների որոսով և զնդացիների ու հրացանների կրակոցներով սկսում է հարձակումը: Մի ամբողջ օր ապստամբները դիմադրում են հերոսաբար: Թշնամին մեծ զոհերի գնով կարողանում է մի դիրք միայն դրավել: Որոշ ժամանակ անց, թուրքական զեռազանց ուժերը ճեղքում են ապստամբների շղթան և մխրձվում դուրս: Սկսվում է դաժան ու ահալոր մարտը զուղի փողոցներում: Ապստամբների մի մասին հաջողվում է ճեղքել օղակը, դուրս գալ պաշարումից ու ապաստանել անմատչելի լեռներում: Այսպես է վերջանում Ֆրեստեդաղի հերոսների ինքնապաշտպանությունը, որին զոհ են դառնում 2.100 հայեր, 2.000 թուրք զինվորներ ու 4—5 հազար բաշիբոզուկներ⁴⁸:

Մյուս օրն առավոտյան թշնամին մտնում է դուրս, բնակչությունը ապաստանած է լինում զուղի եկեղեցում: Դուրս եկողներն անմիջապես զնդակահարվում են, իսկ մնացածները կենդանի այրվում բոցերի մեջ: Նույն առավոտյան սպանվում են 91 երիտասարդներ, իսկ 100-ից ավելի մարդ ուղարկվում են Մարաշ, որոնք այրվում են կրի վառարանների մեջ:

Գրելով Կիլիկիայի, այդ թվում նաև Զեյթունի գավառակի ժողովրդի տեղահանության մասին, հարկ է նշել, որ բացի Ֆրեստեդաղից, Արևմտյան Հայաստանի այլ վայրերում ևս ժողովուրդը զենքը ձեռքին պաշարում էր իր զույգության համար: Այդ պաշարում վառ էջեր գրեցին Վանի բնակիչները, որոնք իրենց հայրենի բաղաբը բարիկադների վերածելով, պահպանեցին սեփական գոյությունը: Զարդարաններին դիմադրեցին նաև Շապին Գարահիսարի, Ուրֆայի և այլ վայրերի բնակիչները:

Թշնամու անողոր սուրն ստիպեց Սուևտիայի մի քանի զուղերի հերոսական ժողովրդին՝ ինքնապաշտպանության այնպիսի հիանալի օրինակ ցույց տալ, որը միշտ անմոռաց կմնա մեր ժողովրդի պատմության մեջ:

Այսպիսով, տեղահան արվեց ու ոչնչացվեց հայ ժողովրդի հսկայական մի հատված՝ 1,5—2 միլիոն մարդ: 1915 թ. մայիսի վերջերից հունիս և հուլիս ամիսներին ամբողջ աշխարհին հայտնի դարձավ հայ ժողովրդի արևմտյան հատվածի ողբերգության մանրամասնությունները: Մի բանի հարյուր տարվա ազատագրական դաժան պաշարը վերջացավ հայ ժողովրդի արևմտյան հառվածի մեծ մասի բնաջնջումով:

46 «Պատմություն կաթողիկոսաց Կիլիկիոս», էջ 290—291:

47 Գ. Գալուստյան, Մարաշ կամ Գերմանիկ և հերոս Զեյթուն, էջ 52:

48 Նույն տեղում, էջ 54: